

Posjeta Banjoj Luci Lipovača donirao 50.000 KM za izgradnju Ferhadije

25/08/2011 10:18 by Administrator

Premijer Unsko-sanskog kantona Hamdija Lipovača, u pratnji ministara u Vladi Kantona i muftije bihaćkog Hasana ef. Makića, posjetio je Banju Luku gdje je....

Premijer Unsko-sanskog kantona Hamdija Lipovača, u pratnji ministara u Vladi Kantona i muftije bihaćkog Hasana ef. Makića, posjetio je Banju Luku gdje je zajedno sa muftijom banjalučkim Edhemom Ćemdićem, obišao gradilište Ferhadije, saopćeno je danas iz Press službe Vlade.

Tokom posjete Banjoj Luci, premijer Lipovača uručio je novčanu donaciju kao pomoć u izgradnji Ferhadije u iznosu od 50.000 KM. On je i do sada, u nekoliko navrata naglašavao značaj obnove Ferhadije, upoređujući njeno rušenje sa rušenjem Starog mosta u Mostaru i zločinom u Srebrenici.

Ovo je druga donacija sadašnjeg premijera USK-a, koji je novčano pomagao izgradnju ove džamije i u vrijeme kada je obnašao funkciju načelnika Bihaća.

Sa predstavnicima Muftijstva banjalučkog Lipovača je dogovorio da se u naredne tri godine u dvorištu džamije izgradi Ferhad-pašino turbe.

Vlada USK-a za njegovu izgradnju će u naredne tri godine izdvojiti 300.000 maraka.

Unsko-sanski kanton ima i zakonsku obavezu prema Banjalučkom i Bihaćkom muftijstvu, pošto Medžlis Islamske zajednice Ključ pripada Banjalučkom muftijstvu.

Najbolje vrijeme za vakuf i činjenje dobrih djela je upravo mjesec ramazan, kazao je muftija Ćemdić.

Izvor vijesti: Sarajevo-x